

ՍԵՐԱՍՏԻԱՅԻ ԵՎ ՇՐՋԱԿԱ ԳՅՈՒՂՆԵՐԻ ԺՈՂՈՎՐԴԱԿԱՆ ՏԱՐԱԶԸ
XIX ԴԱՐՈՒՄ ԵՎ XX ԴԱՐԻ ՍԿԶԲԻՆ

Ն. Ք. ԱՎԱԳՅԱՆ

Սեբաստիա քաղաքը և Աալիս գետի վերին հովիտը հնագույն ժամանակներից ի վեր բնակեցված էին հայերով. այդ պատճառով էլ հռոմեական և բյուզանդական տիրապետության ժամանակ կոչվել է Փոքր Հայք: Բեկ քաղաքականապես երբեք բուն Հայաստանի մասը չի կազմել, սակայն դարերի ընթացքում, քաղաքական հանգամանքների բերումով, հաճախ ընդունել է Հայաստանից զաղթական հայերի, որով և կարողացել է պահել ազգային իր դիմագիծն ու տարազը: Իսլամական տիրապետության երկար դարերի ընթացքում էլ հայ տարրը, որպես բայա, պարտավոր էր իր տարազով զատորոշվել մոլեռանդ և զոռոզ տիրապետողներից. այս հանգամանքը ևս նպաստել է ավանդական տարազի պահպանմանը:

XIX դարում և XX դարի սկզբին Սեբաստիայի նահանգի սահմաններն էին. հյուսիսից՝ Տրապիզոնի, արևելքից՝ Էրզրումի, հարավից՝ հարբերդի և արևմուտքից՝ Անկարայի վիլայեթները. նահանգը բաղկացած էր չորս գավառներից՝ (սանջակ) Ամասիայի, Շապին Գարահիսարի, Թոքատի և Սեբաստիայի, վերջինս հանդիսանում էր նահանգային կենտրոն:

Աշխարհագրական դիրքով Սեբաստիայի գավառը Բարձր Հայքի լեռնային գոտիների շարունակությունն է և գտնվում է կլիմայական գրեթե նման պայմաններում, ուստի և բնական են ընդհանուր գծերը նաև ժողովրդական տարազում: Կային որոշ վայրեր, ինչպես, օրինակ, Սեբաստիային մոտիկ Բրզնիկ գյուղը, որը, որպես կաթնիկ համայնք մեկուսացած լինելով, մանավանդ կանանց տարազում ուներ որոշ ինքնատիպություն¹. մասամբ այդպիսին էր նաև Մանճըլը² գյուղի տարազը, իսկ Աալիսի վերին հովտի հայկական գյուղերի տարազը գրեթե ընդհանուր նկարագիր ուներ:

Սեբաստիայի կանանց տարազի հիմնական բաղկացուցիչ մասերն էին՝ վերնազգեստ-անթարին (պարեգոտ), գոգնոցը, գլուխը, կարճ վերնազգեստ-սալթան, գլխի հարդարանքը, գուլպաները և այլն: Անթարու տակից մարմնի վրա գործածական էր սպիտակեղենը, որի համար օգտագործվում էր տեղական կտավը: Կտավից էին կարում նաև կանանց փոքր զլխաշորը (տակի փխաշոր), վերնազգեստների աստառը, տղամարդկանց շալվարի, բաճկոնի աստառը, ոտքի փաթաթանը:

Գզված բամբակը մանում էին ճախարակով կամ իլիկով և գործում հորան կտավ: Ուշխարից և այծի հատուկ տեսակից՝ «ֆուլիկից» ստացված թելից պատրաստում էին բրդյա գործվածքներ և դրանցից կարում զգեստի տեսակները: Փոքր Հայքում գործածական էր Կյուրինում արտադրված բրդյա գործվածքը: Թելը կամ գործվածքը ներկելու համար գործածական էին բուսական ներկերը, հատկապես տորոնը, իսկ XX դարի սկզբին՝ նաև քիմիական ներկերը:

Սեբաստիան տեղի բնակչության կարիքները բավարարելուց բացի վաճառքի էր արտահանում ուրիշ գավառներ և Հայաստանի սահմաններից դուրս տորոն, այծի և ուշխարի բուրդ, սորթի³ (աղվեսների, սամույր, զայլենի): Սեբաստիայի վաճառականները դեռևս դարեր առաջ հասել էին անգամ Ղրիմ, ոմանք էլ հաստատվել այնտեղ⁴:

Սեբաստիայի կանանց և տղամարդկանց տարազի մեջ կար ընդհանրություն, որով տարբերվում էր սահմանակից Կարինի, Կեսարիայի, հարբերդի գավառներից: Այդ ընդհանրությունը արտահայտվում էր գույների խայտաբղետությամբ⁵: Նրբերանգ բրդյա թելերով ասեղնագործված

1 Գ. Սրվանձտյանց, Թորոս Աղբար, մասն 1, Կ. Պոլիս, 1879, էջ 201:

2 Ա. Պատրիկ, Հայկական տարազը հնագույն ժամանակներից մինչև մեր օրերը, Երևան, 1967, էջ 38:


3 Գ. Սրվանձտյանց, նշվ. աշխ., էջ 168:

4 Ա. Ալպոյաճյան, Պատմություն Եվդոկիո հայոց, Կահիրե, 1952, էջ 1301:

5 Վահան Համբարձումյան, Գյուղաշխարհ, Փարիզ, 1927, էջ 30:

կանացի զոգնոցները, զգեստի տեսակների գույներն ու նրանց համադրությունը, զարդաձևերը և գավառի տարազը բնորոշող կարևոր առանձնահատկություններն էին:

Գոյություն ունեւ կանացի վերնազգեստի (սլարեպոտ, անթարի) երկու տարբերակ, որոնք զատորոշվում էին ձևվածքով: Առաջին տարբերակը, որ տարածված էր հորսանա, հորոխոն, Թո-դորակ, Դավրա, հանժառ, Կովտուն գյուղերում, ուներ հետևյալ ձևը՝ առջևից երկու փեղկով էր. կողքերում՝ գոտկատեղից ներքև, ձեղքով, երկար ուղիղ թևերով: Տարվա ցուրտ և տաք եղանակ-ներին կարվող վերնազգեստները ունեին նույն ձևը, միայն կտորի որակի տարբեր լինելն էր բնո-րոշ դարձնում սգոտագործելու յամանակը: 50 սմ լայնուցյուն ունեցող կտորը՝ երկայնակի երկ-տակ ծալած. վզի շրջանաձև փորվածքով և առջևի կողմը երկայնակի կիսած երկու հավասար մասի, կազմում էր վերնազգեստի հիմնական իրանը, որին ետևից և առջևի երկու փեղկերի կող-քերից, գոտկատեղից վար լայնացնելու նպատակով միացվում էին ուղղանկյուն եռանկյունաձև կտորներ, ըստ որում յուրաքանչյուր եռանկյունին՝ շեղ կողմով: Կողքի ձեղքերը, քղանցքը և առջևի փեղկերի եզրերի եռանկյունաձև կտորները կտրում էին ալիքաձև՝ Քղանցքը կողքերի ձեղքի շնորհիվ ուներ թե՛ գործնական (աշխատանքի ժամանակ ծայրերը գոտու մեջ էին ամրաց-նում, որպեսզի ոտքերի ազատ շարժումներին չխանգարի) և թե՛ գեղագիտական նշանակություն: Թևերը ձևավոր թևաբերանով էին և լայնակի կտորից, երբ կտորի մեկ լայնքը (մար) չէր բա-վարարում թևի անհրաժեշտ երկարությանը, վերնամասում ավելացվում էր փոքր հատված նույն կամ էլ նույնատիպ ուրիշ կտորից: Մեկ վերնազգեստ-անթարի կարելու համար անհրաժեշտ էր 5 մետր գծավոր բամբակյա կամ մետաքսյա կտոր, նույնքան էլ կտավ կամ չիթ՝ աստառելու համար (տե՛ս աղյուսակ I, նկ. 1ա, բ):



Աղ. 1

հորսանայում տարածված մահուղե կտորի վերնազգեստը առջևի երկու փեղկերի եզրերին շուններ ավելացված եռանկյունաձև կտորներ, հավանաբար մահուղյա կտորը լայն լինելու պատ-շուով կարիք չէր զգացվում նման եղանակով լայնացնել, իսկ Արաբկիրում արտադրված մա-նուսա կտորից կարված վերնազգեստի համար դրանց առկայությունը անհրաժեշտ էր:

6 Ընդհանրապես մահուղից կարված և հարսանեկան վերնազգեստն էր ունենում ալիքաձև ճեղքեր:

Վերնազգեստը զարդարելու կարևոր միջոց էր ոսկեթելով քղանցքի անկյունները և թևաբաշտերը, երբեմն էլ կարերը տսեղնափործելը: Տարածված զարդարման ձև էր ոսկեթելի տրեղով (ղայթան) եզրապատելը: Անթարու զարդարման նպատակին ևն ծառայել կրծքամասում ամրացված, մետաքսյա թելով պատված գնդաձև շորս կոճակներն ու նույն թելով հյուսված տրեղից պատրաստված նույնքան էլ օղերը: Սեռաստիայում կանանց վերնազգեստ-անթարին, լինի ամենօրյա, թե տոնական կամ հարսանեկան, գրեթե նույն ձևով էր զարդարվում:

Հարսանեկան վերնազգեստը մեծ մասամբ կարում էին դուխնի կոշված մետաքսյա կոտորից⁷: Պարեգոտի զարդարման համար հատուկ ևն ետևից քղանցքում կենտրոնական կտորի վրա լայնակի դեղին գույնի գծանախշերը: Այդ կատարվում էր երկու եղանակով՝ կամ կտորի պատրաստման ժամանակ անմիջապես հաստոցի վրա կամ էլ վերնազգեստը կարելու ժամանակ, ասեղնագործով կտորի հենքի թելերի մեջ մեկընդմեջ դեղին գույնի թել հագցնելու միջոցով: Ըստ թանգարանային նյութերի ԱԻՄ դարի վերջին ասեղնագործության փոխարեն դեղին գույնի ժապավեն կարելը նկատելի է ոչ միայն Սեռաստիայում, այլ նաև Արևմտյան Հայաստանի մյուս գավառներում:

Երկրորդ տարբերակը տարածված էր Տիվրիկում՝ Օդուր, Մրովանա, Աշուշեն, Կյուրեսին գյուղերում: Այն կարում էին մեծ մասամբ դժավոր կտորից, հստակապես «մանուսայից», ձևվածքը հետևյալն էր՝ 46 սմ լայնություն ունեցող կտորի երկու երկարություն ծալած, վզի կրծքի բացվածքով և նույն ուղղությամբ մեկ կտորը երկայնակի կիսած երկու մասի՝ կազմում էր երկրորդ տարբերակի հիմնական կորպուսը, որին կողքերից եզրերին ավելացվում էին երկար եռանկյունաձև կտորներ (տե՛ս աղյուսակ 1, նկ. 2ա, 2բ), ըստ որում կողքերի եռանկյունները սկսվում էին գրեթե թևատակի փոքր եռանկյունաձև հավելվածի մոտից կամ մոտ 5 սմ ներքևից: Կողքի ճեղքերը քղանցքում կարճ էին: Վերնազգեստը աջ կողքին կարի ուղղությամբ ուներ ներսի գրպան: Եզրերը, թևերը ուղիղ էին և առաջին տարբերակի նման կտորի լայնքից էին ձևում: Երկարացման նպատակով ավելացված հատվածը կարում էին թևաբերանին: Կրծքի բացվածքի ամբողջ երկարությամբ ամրացված էին մետաքսաթելով պատված գնդաձև կոճակներ և նույնքան էլ նույն թելից հյուսված տրեղից (ղայթան) կոճակօղեր: Այս տարբերակի համար անհրաժեշտ էր նույն քանակությամբ կտոր, որքան առաջին տարբերակի համար և նույնքան էլ աստառապատման համար:

Պարեգոտ-անթարին իր երկու տարբերակով հատուկ էր Արևմտյան Հայաստանի բազմաթիվ գավառներին: Սեռաստիայի տարազի համալիրի մեջ այն ուներ յուրօրինակ տեսք: Սեռաստիայում վերնազգեստի առանձնահատկությունը արտահայտվում էր կտորի գույնի և զարդարման եղանակով:

Կանանց տարազի բաղկացուցիչ մասերից մեկն էր անդրավարտիկը— չինթանը, որը, ըստ սովորության, երևում էր պարեգոտի կողքի ճեղքերից: Այն կարում էին մետաքսյա կտորից սնդուսից կամ էլ բրդյա նուրբ կտորից: Սեռաստիայի գավառում տարածված էր անդրավարտիկի երկու տարբերակ. առաջինը ձևում էին 90 սմ լայնություն ունեցող նուրբ բրդյա կտորի երկու լայնքից՝ մարից, որոնք միացվում էին միմյանց ներսի կարով (տե՛ս աղյուսակ 1, նկ. 3ա): Լայնացման նպատակով ձաղում փողքերին միացվում էր կենտրոնում լայն, երկու ծայրը սուր ամբողջական հավելված (տե՛ս աղյուսակ 1, նկ. 3բ): Կողքերը առանց կարի էին, փողքը տրապեզիայի ձևով ամբողջական հատված էր (տե՛ս աղյուսակ 1, նկ. 3գ): Այս տարբերակը տարածված էր Խորոխոն, Զառա, Բողորակ և այլ գյուղերում: Երկրորդ տարբերակը ձևում էին 48 սմ լայնություն ունեցող կտորի 4 լայնքից՝ մարից, երկու փողքի միջև ավելացնում էին եռանկյունաձև երկարավուն հավելվածներ: Այդ երկու մարերը միացվում էին իրար, իսկ նրանց միջև ավելացվում հավելվածը՝ ձաղը: Մեկ անդրավարտիկ կարելու համար անհրաժեշտ էր 48 սմ լայնություն ունեցող 4,5 մ կտոր: Աստառապատման և փողաբերանին կարելու համար անհրաժեշտ էր 82 սմ լայնություն ունեցող 3 մ կտավ: Գոտկատեղում 3,5 սմ խորությամբ արված շուլալ կարի միջոցով կազմվում էր խոնջանակապը անցկացնելու և կապելու հարմարանքը: Այս տարբերակը լայն տարածում էր գտել Սեռաստիա քաղաքում:

Կանացի զգեստի համալիրի մեջ անհրաժեշտ մաս էր գոգնոցը, որը սովորաբար կարմիր կամ կապույտ գույնի խոշոր հյուսվածքով բրդյա կտորից էին կարում: Հայաստանի ցուրտ կլիմա ունեցող գավառներում գոգնոցը սրունքները տաք պահելու նպատակին էր ծառայում: Գոգնոցի ամբողջ մակերեսը ասեղնագործում էին բրդյա գունավոր թելերով, որը երբեմն կենտրոնում ու-

7 Տե՛ս Հայաստանի պատմության թանգարանի ազգագրական ֆոնդ, №№ 8442 (գ. Օդուր), 8490/1 (գ. Խորոխոն) և այլն:

նենում էր քառանկյունաձև ժապավենազարդ⁸։ Գոգնոցի ասեղնագործության մեջ ընդունված էին երկրաչափական նախշերը, բեկրեկուն գծանախշերը, ումբերը⁹ և այլն։ Հայաստանի պատմության թանգարանի ազգագրական ֆոնդի Սեբաստիային վերաբերող հավաքածուի մեջ եղած բոլոր գոգնոցները առանց բացառության ունեն ումբաձև նախշեր։ Գոգնոցի ներքևի եզրին և հոսեմն էլ շուրջը հատուկ է գունավոր բրդյա թելերով ասեղնագործված եռանկյունաձև նախշերի չորսընդամեջ դասավորած տարբեր գույնի փոքր փնջիկների շարանը (տե՛ս նկ. 1, 2)։



Նկ. 1. Գոգնոց, ասեղնագործված բրդյա գունավոր թելերով, 1886 թ., Սեբաստիայի շրջ. գ. Խորոխոն



Նկ. 2. Գոգնոց-մեզար, ասեղնագործված բրդյա գունավոր թելերով, 1886 թ., Սեբաստիայի շրջ. գ. Խորոխոն

Ումբաձև նախշեր օգտագործվել են նաև Վասպուրականի, Տարոնի, Սասունի և այլ գավառների կանանց գոգնոց-մեզարի, տղամարդկանց շալվարի¹⁰ կտորը ասեղնագործությամբ դարդարելու մոտիվներում։ Նախշերը սկզբնական շրջանում ունեին իրենց գաղափարական իմաստը, հետագայում վերածվեցին ուղղակի զարդանախշերի։

Սեբաստիայում կանանց գոգնոցն ավելի նեղ էր, քան մյուս գավառներինը, թե՛ չափով և թե՛ նախշազարդերով յուրօրինակ։ Հաբուսությունը անցկացրած կնոջ գոգնոցն ուներ ումբերի հետ նաև խաչաձև նախշեր¹¹։ Այն երբեմն զարդարում էին կոճակներով, ուլունքներով, մարջանով։

8 Ա. Պատրիկ, նշվ. աշխ., տախտակ 50, նկ. 3։
9 Հայաստանի պատմության թանգարան, ազգագրական ֆոնդ, №№ 641, 642, 647, 669, 8490/3, 8490/4 գոգնոցները։
10 Շատախի շրջանի Թաղ գյուղում արտադրված բրդյա կտորը բացի լայն գծանախշերի¹² զարդարվում էր նույնպես ումբաձև նախշերով։
11 Տե՛ս Հայաստանի պատմության թանգարան, ազգագրական ֆոնդ, №№ 647, 469 գոգնոցները։

Գոգնոցը հատուկ տեսք, դեղեցկություն էր տալիս տարազի ամբողջական համալիրին: Գոգնոցի ոճավորված բուսական և երկրաչափական մոտիվները, որ ընդհանրապես հատուկ են հայկական զարդարվածության, փնջիկներով, գունավոր կոճակներով և այլ միջոցներով դրանք զարդարելը ունեն նաև զեղադիտական նշանակություն:

Կանանց տարազի համալիրի մեջ հիմնական մասերից մեկն էլ կարճ վերնազգեստ-սալթան էր: Սերաստիայում գոյություն ունեւ սալթայի երեք տարբերակ, որոնց հիմքում ընկած է ձևավածքի տարբերությունը: Առաջին տարբերակը, որ սովորաբար կարում էին մուգ շագանակադույն մահուդից, առջևից երկու փեղկով էր, ուսերը կարով, կողքերին լայնացնելու նպատակով ավելացվում էր մեկական ամբողջական հատված, որի զեսի առաջ ծալած կեսը առջևի փեղկերի լայնացուցիչն էր, մյուս կեսը՝ ետևի, ըստ որում այդ կտորի վերևում ձեղք էին անում և միացնում եռանկյունաձև հավելվածը: Թևերը երկար էին, լայնությունը հիմքում և թևաբերանում՝ հավասար: Կանգնած օձիքը առջևում վերջանում էր ուղիղ անկյունով: Մեկ կարճ վերնազգեստ-սալթա կարելու համար անհրաժեշտ էր 70 սմ լայնքով 1,5 մ մահուդ և նույնքան էլ կտավ կամ մետաքսյա կտոր՝ աստառապատման համար: Այս տարբերակը տարածված էր Խորոխոն, Քարհատ, Քոզնի, Բրաբերդ գյուղերում:

Կարճ վերնազգեստի երկրորդ տարբերակը մուգ կարմիր կամ մուգ կապույտ դույնի մահուդից էր. կողքերից առաջինի նման ավելացված էր մեկական ամբողջական կտոր: Թևերը հիմքում լայն էին, թևաբերանում՝ նեղ, անութում ավելացված էին եռանկյունաձև հավելվածներ: Կանգնած օձիքը առջևում աստիճանաբար նեղանում էր և սեպաձև միացվում հիմքին: Երկրորդ տարբերակի համար նույնքան կտոր էր անհրաժեշտ, որքան առաջինի: Այս տարբերակը տարածված էր Քոզորակ, Կովտուն, Կավրա գյուղերում և Սերաստիայում (տե՛ս աղյուսակ I, նկ. 5ա, բ):

Երրորդ տարբերակը լինում էր շագանակադույն, մուգ կարմիր և մուգ կապույտ դույնի մահուդից, կողքերին ավելացված հատվածները մինչև թևատակ չէին հասնում, միանում էին եռանկյունաձև հավելվածին ներսի կարով: Կանգնած օձիքը առջևում ցցուն ուղղանկյուն վերջավորություն էւներ, երբեմն էլ՝ նույն լայնությամբ միացված առջևի երկու փեղկերին: Թևաբերանը լինում էր և՛ հիմքին հավասար, և՛ համեմատաբար նեղ: Այս տարբերակը լայն տարածում էր գտել Խորսանա, Դավրա, Խանձառ, Կավրա գյուղերում և հատկապես Սերաստիա քաղաքում: Երրորդ տարբերակը ավելի ուշ շրջանի ձև է: XIX դ. վերջին և XX դ. սկզբին ներմուծված մահուդը, որ ավելի լայն էր, սալթա կտրելու համար անութներում կարիք չէր զգում կրկնակի լայնացնելու, հետևապես կողքից ավելացված կտորները նեղ էին ձևում և անութում էլ մեկ հավելվածը բավարարում էր ցանկալի լայնությանը (տե՛ս աղյուսակ I, նկ. 6ա, բ):

Այսպիսով, կարճ վերնազգեստը՝ սալթան, իր երեք տարբերակներով հատուկ էր Սերաստիայի գավառին ընդհուպ մինչև XX դ. սկիզբը: Այն հաճում էին հարսներն ու աղջիկները:


Սալթայի տակ ամրացնում էին կրծկալը: Սալթան զարդարում էին ոսկեթելով ասեղնազործ յճավորված բուսական մոտիվներով և տրեզով: Այս կարգի վերնազգեստը հատուկ էր նաև Արևմուտյան Հայաստանի շատ այլ գավառներին:

Կանանց տարազի անբաժան մասն էր գոտին: Գոտու երկու տեսակ էր տարածված այստեղ, մեկը նեղ էր, զարդարված ուլունքներով, օրոճներով, արծաթյա դրամներով, սաղաֆով և ունեւ արծաթյա մեծ ճարմանդ¹², որի տակ կախում էին արծաթյա շղթայի մի քանի աղեղնաձև շալան¹³: Այս տեսակը շատ գործածական էր դիտելում: Գոտու երկրորդ տեսակը բրդյա կամ բամբակյա թելերով հյուսված կտոր էր՝ քառանկյունաձև, որը երկտակ ծալած եռանկյան վերածելով, ուրում և փաթաթում էին մեջքին:

Կանանց գլխի հարդարանքը յուրօրինակ էր, հասակի համեմատ այն փոխվում էր: Գյուղերում գլխի հարդարանքի մեջ կարևոր տեղ էր գրավում դեղին փայլուններով զարդարված գլխաշոր-սփուխը, որը ճակատամասում միանում էր ուռուցիկ ճակտնոց-պոլոզին, դրա ծայրերը նետում էին ուսերի վրայով ետ: Մազերը քթի ուղղությամբ հերազծով բաժանում էին երկու մասի, մանր հյուսեր անում. այդ հյուսերը միացնում էին միմյանց զարդակապերի միջոցով: Զարդակապերի ուլունքազարդ ծայրերը ականջների տակով նետում էին թիկունքին, աղջիկները կապում էին դաջածո բուսանախշերով զարդարված գլխաշոր, ոմանք ճակատին ունենում էին գունավոր ուլունքներից կազմված ծոպեր: Մազերի հյուսերի վրայով կախում էին մազկապ: Որպեսզի ծամերի հյուսվածքի մազկապը կանոնավոր մնա, ուսերից քիչ վար կապում էին ծապավեն, որը զարդարում էին կապտավուն գույնի ուլունքով, զարդադրամով:

¹² Տե՛ս Ա. Պ ա տ ր ի կ, նշվ. աշխ., տախտակ 50, նկ. 3 և տախտակ 66, նկ. 1:

¹³ «Գեղունի», 1901—1902, էջ 21 նկարը:



Նկ. 3. Կարճ վերնագգեստ-սալթա, մահուդյա, ասեղնագործված ոսկեթելով.
XIX դ. վերջ. Սեբաստիա



Նկ. 4. Կարճ վերնագգեստ-սալթա, մահուդյա, XIX դ. վերջ. Սեբաստիայի
շրջ. գ. հոռսանա

Հարսները կապում էին գլխի կապ-մսւզլաթի, որի վրայից դնում էին ուռուցիկ զարդը՝ ճակտ-նոց-պոլոզը: Եյուղերում աղջիկները ծածկում էին արծաթյա դրամներով զարդարված գլխարկ-արախչի: Տարեց կանայք հագնում էին ամբողջական պարեգոտ՝ ֆստան, գլխին ծածկում էին տա-փակ զղակ-ֆես և կարմիր գույնի գլխաշոր՝ ափուխ:

Յուրօրինակ էր Սեբաստիայի կանանց հարսանեկան տարազը և հատկապես գլխակապ-ման ձևը, որը նկարագրում է Ա. Պատրիկը¹⁴: Մանճրըլը գյուղում հարսանեկան տարազի մեջ յուրօրինակությունը արտահայտվում էր հատկապես գլխի հարդարանքով: Բարձրագիւր խույրը սպիտակ գույնի քողով ծածկելուց հետո զարդարում էին ուլունքներից և գունավոր փետուրներից կազմված երեք փնջիկով («ճղա»): Վերջինիս օգտագործումը ընդունված էր նաև Սասունում՝ փե-սայի գլխի հարդարանքում: «Ճղան» զարդածն լինելուց բացի ունի սիմվոլիկ նշանակություն:

Հարսի զգեստի ամբողջական համալիրի՝ հալավի մեջ կարևոր նշանակություն ունեն գլխի ծածկոցը՝ պեթլան, որը լինում էր նաև կարմիր գույնի դիպակից կամ սնդուսից: Գործածական զարդերն էին՝ նորահարսի համար արծաթյա լայն ապարանջանը (թենոց), մատանին, ականջօղի-րը, ոսկյա դրամների շարանով կազմված մանյակը:

Կանանց զարդերը բազմատեսակ էին և ըստ հասակի, ինչպես և զգեստը, որոշ փոփոխության էին ենթարկվում: Գործածում էին ականջի, վզի, կրծքի, մեջքի, գոտկատեղի, ձեռքի զարդերի տե-սակները: Վերնազգեստ-սալթայի վրա ըստ սովորության ամրացնում էին օրոճիկ, Կովտունին հատուկ զարդ էր շահպաղին, որը քունքի մոտ ամրացվում էր գլխի հարդարանքին և ականջի տակով անցնելով, կախվում էր թիկունքից¹⁵:

Արծաթյա թենոց-բազպանը տարածված զարդ էր թե՛ հարսների և թե՛ աղջիկների համար: Տիվրիկում ու Կյուրինում աղջիկների գործածական զարդն էր ապակյա ապարանջան-բազպանը («սրճա»):

Սեբաստիայում տարածված էր գունավոր մանր ուլունքների գործածությունը: Ուլունքներով էին զարդարում գլխաշորի եզրերը, գոտին, վզնոց-շետտեն, գոգնոցը: Մետաղյա զարդերն ու ուլունքները գործածվում էին միաժամանակ. դժվար է ասել. թե որն է ավելի հինը, բնորոշը տվյալ գավառին, բայց ըստ թանգարանային նյութերի ականհայտ է երկուսի զուգակցված գործածու-թյունը:

Տարբեր նյութերից պատրաստված զարդերը տարազի անհրաժեշտ մասն էին կազմում, լրաց-նում էին նրա ամբողջությունը և տալիս ավելի գեղեցիկ, հաճելի տեսք:

Կանայք ոտքերին հագնում էին նախշազարդ դուլպա ու սև գույնի քոշ: Գուլպայագործության եղանակը այստեղ յուրօրինակ էր. ի տարբերություն մյուս գավառների, Սեբաստիայում գուլպան գործում էին մեկ ծայրը կեռ հինգ շղերի—շղերի միջոցով. Թեւը գցում էին վզին, ձախ ձեռքով բռնում գործվելիքը, իսկ աջով՝ ազատ շուղը, որի կեռիկով ծայրը օղակի մեջ մտցնելով, ձախ բթա-մատի օգնությամբ թեւը գցում էին կեռիկի վրա և աջ ձեռքով հանում այն օղի միջից, այսպես կազմվում էր նոր օղ՝ հինգերորդ՝ ազատ շղի վրա: Գուլպան գործելը սկսում էին Թաթից (թթից):

Դործելու եղանակի հետ մեկտեղ յուրօրինակ էին նաև գուլպայագործության մեջ օգտագործ-ված զարդամոտիվները: Գուլպան զարդարում էին երկրաչափական նախշերով, որով և դրսևոր-վում էր Սեբաստիայի նյութական մշակույթի այլ բնագավառների ոճի հետ ունեցած ընդհանրու-թյունը: Գուլպայագործությանը բնորոշ էին լայնակի ուղիղ կամ բեկբեկուն գծերը, խաչաձև և «ծտեր» կոչված նախշերը: Նրբեմն երեխաների դուլպաների վրա արվում էին ոճավորված բուսա-նախշեր՝ հատկապես նշաձև¹⁶: Նորահարսի կամ օծիտի համար գործած գուլպան լինում էր սպի-տակ գույնի, ցանցկեն նախշերով, որոնք ստացվում էին հյուսելու ընթացքում օղերը ավելացնելու կամ պակասեցնելու հետևանքով¹⁷, շիտակ ու շրջոնք գործելու միջոցով¹⁸: Գուլպայագործությունը քաղաքում և նույնիսկ գյուղում չ'ստ տարածված զբաղմունք էր ու ծառայում էր նաև վաճառա-հանմանը:

Տղամարդկանց տարազի բաղկացուցիչ մասերն էին շապիկը, աշխատանքային վերնաշապիկը, բաճկոնը, ելակը, շալվարը, գոտին, գլխի հարդարանքը, ոտքի փաթաթանը, տրեխները: Շապի-

14 Ա. Պատրիկ, նշվ. աշխ., էջ 38:


15 Վ. Համբարձումյան, նշվ. աշխ., էջ 166:

16 Տե՛ս Հայաստանի պատմության թանգարան, ազգագրական ֆոնդ, № 1216, 8490/13:

17 Հայաստանի պատմության թանգարանի ազգագրական ֆոնդի № 8309, 8490/16 և 8491 գուլպաները ունեն վերահիշյալ նախշերը:

18 Ն. Բ. Ավագյան, Հայկական գուլպաներն ու սոնապանները և նրանց զարդա-նախշերը, «Պատմա-բանասիրական հանդես», 1967, № 4, էջ 262:

կը և աշխատանքային վերնաշապիկը մեծ մասամբ նույն կտորից էին՝ կտավից։ Ձևվածքը նման էր Արևմտյան Հայաստանի մյուս գավառների տղամարդկանց շապիկի ձևվածքին։ Շապիկի վրա հազնում էին վարտիկը, իսկ երիտասարդները՝ նաև շալվար։



Առ. 11

Տղամարդկանց զգեստի մեջ յուրօրինակ ձև ունեն շալվար-զպղան կամ տիգիլիկը, որի սրունքները շատ նեղ էին, իսկ վերևի մասը՝ վեղեկը, խիստ լայն¹⁹։ Գոտեկապի-խոնջանակապի միջոցով զպղալի լայն վերևի մասը հավաքվում էր գոտկատեղում շարով (տե՛ս աղյուսակ 11, նկ. 1ա, բ), իսկ ետևից այդ լայն մասը, որ բաղկացած էր 70 սմ լայնություն ունեցող մահուդի 3 լայնքից, 13 դարսերով հավաքվում էր կարի մեջ, որը ընկած էր երկու փողերի միջև։ Փողերը նեղ էին և երկու կարով։ Կարերը, ինչպես նաև փողաբերանն ու զրպանաճեղքերը, զարդարում էին ոլորված հաստ սև դույնի մետաքսաթելով և նույն թելից հյուսած նեղ տրեղով։ Մեկ շալվար կարելու համար անհրաժեշտ էր 4 մետր մահուդ, 3 մետր կտավ աստառապատման և զրպանների համար։

19 Ն. Փ ի ի կ յ ա ն, Ազգագրական պատմություն Սեբաստիո Ալիսի հովտի, անտիպ, ԳԱ հնագիտության և ազգագրության ինստիտուտի ազգագրության բաժնի արխիվ, թղթապանակ 23, լ. 15։

Շալվարը, ինչպես նաև տարազի մյուս մասերը մինչև XIX դարի վերջերը կարում էին տնե-
րում, յուրաքանչյուր ընտանիք իր կարիքների համար, իսկ հատկապես XX դ. սկզբին պատվիրում
էին գերձակներին:

Սեբաստիայի տղամարդկանց տարազի անհրաժեշտ մասերից մեկն էր ելակը, որը հագնում
էին վերնաշապկի վրայից: Ելակի երկու փեղկը ասեղնադործում էին բուսանախշերով (տե՛ս աղ-
յուսակ II, 2գ): Փեղկերի եզրերին կարված զնդաձև կոճակներով և մետաքսաթելից հյուսած տրե-
զի կոճակօղերի միջոցով զգեստն ամրացվում էր կրծքամասում, իսկ ներքևի եզրը ամփոփվում էր
լայն դոտու մեջ: Գոտին, որ սովորաբար 3—3,5 մետր երկարություն ուներ, մի քանի անգամ փա-
թաթում էին մեջքին և ծայրերը թաքցնում փաթաթածի տակ: Գոտին կյուրինի, Տրիպոլսի բրդյա
կտորից էր, իսկ ավելի թանկարժեքը՝ հորասանից և Հահոռից էին բերում: Գոտին լինում էր նաև
հասարակ բամբակյա կտորից: Հնարությունը արվում էր ըստ կրողի տնտեսական վիճակի: Բա-
կարժեք մետաքսյա գոտին հնարավորություն ուներ գործածելու ունեորները, հետևապես գոտին
հանդիսանում էր նյութական կարողության չափանիշը: Գործածության մեջ էր նաև նեղ, պարանր
նման գոտին, որը համարվում էր աղքատության նշան: Ժողովրդի մեջ տարածված էր «Զուվան գո-
տի ըլլալ»²⁰ դարձվածքը, որը նշանակում էր աղքատանալ, իբրև գոտի պարան կապել:

Գոտու հետ կապում էին լայն կաշի գոտին՝ սերաթլիկը, որը ուներ ի հարկին նաև դանակ
և զենք տեղավորելու հարմարանք: Հայաստանի մյուս գավառներում նույնպես գոտին ուներ մի
քանի նշանակություն: Այն տարազի կոմպլեքսը լրացնելու իր կարևոր նշանակությամբ հանդերձ
հանդիսանում էր քաջության, արիության խորհրդանիշ: Գոտին կատարում էր պահպանակի, զոր-
պանի դեր: Սեբաստիայի տղամարդկանց գոտու առանձնահատկությունը կայանում էր նրանում,
որ ուներ հառուկ կաշի հարմարանք, որի միջոցով դրսևորվում էր գոտու ընդհանրապես ունեցած
նշանակության մի մասը: Այսպիսով, ի տարբերություն մյուս գավառների, Սեբաստիայի տղա-
մարդկանց գոտին կրկնակի էր՝ և՛ կտորից, և՛ կաշվից: Իրանով իսկ դրսևորվում էր Սեբաստիա-
յի տղամարդկանց տարազի առանձնահատկություններից մեկը:

Տարածված էր գավառում տղամարդկանց կարճ վերնադգեստ-բաճկոնի երկու տարբերակ,
որոնք բնորոշվում էին թե՛ ձևվածքով, թե՛ կտորի որակով և թե՛ զարդարման եղանակով: Առա-
ջին տարբերակը աշխատանքային էր. կարում էին բամբակյա կամ բրդյա նոսր և խոշոր հյուս-
վածքով կտորներից: Զևվածքը հետևյալն էր՝ 46 սմ լայնություն ունեցող կտորը՝ երկտակ ծալած
65 սմ և 57 սմ երկարությամբ, վզի շրջանաձև բացվածքով և երկար կտորը ուղիղ կենտրոնից կի-
սած երկու հավասար մասի կազմում էր հիմնական կորպուսը, որին միացվում էին ուղիղ ձևած
Ռեները: Թևաբերանը և կողքերը ճնդքով էին, կանգնած օձիքը, թևաբերանը եզերվում էին մետաք-
սաթելից հյուսված կապույտ գույնի տրեզով: Առջևի երկու փեղկերի եզրերին կարում էին հռան-
կունաձև մեկական կտոր շեղ կողմով: Աշխատանքային բաճկոնը առանց աստառի էր: Այն հա-
աուկ էր Օդուր գյուղին և Տիվրիկի ամբողջ շրջանին (տե՛ս աղյուսակ II, նկ. 3ա, բ): Երկրորդ
տարբերակը տոնականն էր, որն իր ձևվածքով գրեթե նույնն էր, բայց աջ ու ձախ փեղկերը հա-
վասար էին երկարությամբ ետևի մասին: Սրա թևերը ուղիղ էին և հիմքում ու թևաբերանում հա-
վասար լայնությամբ: Երկրորդ տարբերակը ավելի շքեղ էր զարդարվում, ոսկեթելից հյուսած
տրեզով և ոլորված ոսկեթելով կազմված զարդանախշեր ուներ, ձախ փեղկին վերադիր գրպան
դարձյալ զարդանախշերով (տե՛ս աղյուսակ II, նկ. 4ա, բ):

Վերադիր գրպանի առկայությունը ցույց է տալիս, որ այս տարբերակը ավելի ուշ՝ XX դ.
սկզբին է տարածվել հորսանա և նրա շրջակա գյուղերում:

Տղաների տարազում գործածական էր բամբակյա վանդակավոր կտորը. վերնաշապիկը հատ-
կապես կարում էին վանդակավոր կտորից, որը հավաքվում էր մուգ գույնի բրդյա կտորից կար-
ված նեղ շալվարի տակ, իսկ վրայից կապում էին գծերով լայն գոտի: Ոտքերին հագնում էին երկ-
րաչափական նախշազարդերով գուլպա: Շատ տարածված էին գուլպայադործուՄյան մեջ թռչնա-
նախշերը: Ոտնամանը դեպի վեր ցցված սրաքիթ քոշերն էին:

Տղամարդկանց գլխի հարդարանքը պարզ էր. քաղաքում ծածկում էին ֆես, շուրջը փաթաթան-
ափուխով պատված: Ետևից փաթաթանի ծայրերը կախվում էին մեկ անգամ հանգույց կազմելուց
հետո: Հասակավոր տղամարդիկ ծածկում էին կապույտ կամ մանուշակագույն ֆես, որի շուրջը
նույնպես փաթաթան-ափուխ (ապարոշ): Գյուղերում տարածված էր սև գույնի թաղիքե գլխարկը
կամ զղակ-արախչին:

Աալիսի վերին հովտի գյուղերի տղամարդկանց զգեստի կոմպլեքսի մեջ հատկանշական էր
ուրածայր տրեխը, երիտասարդները գուլպայի փոխարեն օգտագործում էին ոտքի երկար փաթա-

20 Կ. Դ ա բ ի կ յ ա ն, Բառագիրք սեբաստահայ գավառալիզվի, Երուսաղեմ, 1952:

թան, որը սկսում էին մատներից, փաթաթելով հասցնում մինչև ծնկների տակ և կապով ամրացնում:

Նրիտասարդ տղամարդիկ և արհեստավորները ձմռանը հագնում էին մուգ գույնի շուխա²¹, որը կարում էին «աբա» կոչված տեղական կտորից²², գոտկատեղում՝ կարով:

Այսպիսով, Սեբաստիայի կանանց և տղամարդկանց ժողովրդական տարազը իր առանձին տարրերով ուներ ընդհանրություն հայկական մյուս գավառների ժողովրդական տարազի հետ, բայց տարազի ամբողջական համալիրը հանդիսանում էր Սեբաստիայի յուրօրինակ մշակույթի վառ արտահայտությունը:

Կանանց տարազը ավելի ցայտուն էր դրսևորում աղզային բնորոշ առանձնահատկությունները, իսկ տղամարդկանցը. ինչպես միանգամայն ճիշտ է նկատել Ա. Պատրիկը, Կեսարիայի, Խարբերդի, Կիլիկիայի, Տիգրանակերտի շրջանների տղամարդկանց տարազի նման կրում էր որոշ անատոլիական երանգներ²³: Ավանդական տարազը Սեբաստիայում պահպանվեց մինչև XX դ. սկիզբը: Թուրքական կառավարության²⁴ վարած հայահալած քաղաքականության պատճառով Արևմտյան Հայաստանից Արևելյան Հայաստան տեղի ունեցած ներգաղթի միջոցով սեբաստահայ կնոջ և տղամարդու տարազի առանձին տարրեր երկար ժամանակ իրենց գոյությունը շարունակեցին նոր բնակության վայրերում՝ Խորհրդային Հայաստանում²⁴:

21 Տե՛ս Ա. Պատրիկ, նշվ. աշխ., տախտակ 51, նկ. 3:

22 Կ. Գաբրիկյան, նշվ. աշխ.:

23 Ա. Պատրիկ, նշվ. աշխ., էջ 23:

24 Սույն աշխատանքի համար հիմնական աղբյուր են ծառայել մեր գրի առած նյութերը, համաձայն Երևանի Շահումյանի շրջանում բնակվող սեբաստահայեր Մարիցա Սուքիասի Փիլաֆյանի (Կովտուն գյուղացի), Ջարուհի Սիմոնի Բեկյանի (Կովտուն գյուղացի) և Վարդուհի Տաքեսի Շերբեթյանի (Զարա գյուղացի) բանավոր հաղորդումների: Բացի այդ կարևոր աղբյուր են նաև այժմ ԱՄՆ-ի բնակիչներ, սեբաստահայեր Սաթենիկ և Ներսես Փիլիկյանների, Սիրան Մարգարյանի, Արսեն Աճեմյանի վերջերս իբրև նվեր Հայաստանի պատմության թանգարանին ուղարկած սեբաստացի կնոջ և տղամարդու զգեստի նմուշները: Գրի առման և հավաքչական աշխատանքներին մեծ օգնություն է ցույց տվել Երևանի բնակիչ, սեբաստահայ Սուրեն Սարգսյանը: Գծազրերը կատարել է Ռոբերտ Մարտիրոսյանը: